

Motozikletak eta 3,5 tona baino pisu guttiago duten ibilgailu motordunek ibiltzea libre duten pista nagusien zerrenda onestea

1999ko urriaren 6ko Nafarroako ALDIZKARI OFIZIALEAN Udalak onetsitako "Mendiko pista eta bideen erabilera arautzen duen ordenantza" argitaratu zen.

Ordenantza honen 6. artikulua zera dio:

"Udalak onetsiko du motozikletek eta 3,5 tona baino pisu guttiago duten ibilgailu motordunek ibiltzea libre duten pista nagusien zerrenda".

Beraz, aipatutako artikuluari jarraikiz, Udalak 1999ko azaroaren 25ean egindako osoko bilkuran, ondoko akordioa onetsi du:

Motozikletek eta 3,5 tona baino pisu guttiago duten ibilgailu motordunek ibiltzea libre izanen duten pista nagusien zerrenda onestea. Ondoko hauek dira:

- Sarrailako pistatik Ibardineko 4. kilometroraino doana.
- Lizuniagatik Lizaietara doan pista, Berako udal eremuari dagokion tartea.
- Matxaineko pistatik lehen aipatutakoraino doana, harrizko adarra.
- Ibardineko pistatik Intzola eta Eltzaurdiara doana.
- Kaule Auzoko pista, Landagaitaraino doana.